



**KENIJKI NOJCHIVAS TEKIJYOTL KAMPA NO  
TITLANISKEJ AMAMEJ KAMPA NO MASCHAS  
AKINON KIJPIA TEKIJYOTL IPAN IMIN KALPAN  
NIMAN NOJMASCHAS IKA MASEALIJNIU IPAN  
CANDIDATURAS INDÍGENAS NIMAN  
AFROMEXICANASIPAN TLAPEPENILISTLI  
IPAN XIUITL 2023-2024**



**PROCESO  
ELECTORAL  
2023-2024**



**IEPC**  
INSTITUTO DEL PROCESO ELECTORAL DEL ESTADO DE GUERRERO





# Tlaselestli ika amamej niman tlanonostli axtopa onias tlayekanyotl



1. San sepa yejuain Dirección Ejecutiva de Prerrogativas y Partidos Políticos (DEPPP) kin selia amatlajkoiloltin ika akinon kinejki tlayekanaskej, ki teixpantilis ipan Dirección Ejecutiva de Sistemas Normativos Pluriculturales (DESNP) nochi amamej uan kin titlania partidos políticos, sentlalistin ojsa candidaturas comunes, ika kinejki teixpantiliskej ika maseualijnian, kampa tlayekanaskej ipan candidaturas indígenas y/o afromexicanas ipan in min kalpamej.



2. Kua tlaselestli ika amamej uan kin titlania DEPPP, on DESNP kijchias yejuain:

a) No tlaixkopinaskej amame uan nojseliskej kampa no kaxiltis amaijpoali por partidos políticos niman candidaturas a diputación local niman ayuntamientos.

b) Nojtlachiliskej nochi amamej niman no peualtis sen tekiyotl kampa nochiuaskej amatlamachilistin kampa no tlachiliskej akinomekej ye kuachitiui tekiyotl ipan in min kalpan niman tla yejuamej no teixpantilia kentla maseualijnian, kentla uenestiu ipan ijtolimej 58, 59, 71 niman 72 itech amatlayekantin.

c) Onias tlanonostli iuan akinon tlayekanaskej ipan kaltipan afromexicano niman ojsekimej kaltipamej ika to maseualijnian itech Consejo General, kampa no nonotsaskej ika ki matikan akinon kijneki tlayekanaskej itech partidos políticos para diputaciones locales niman ayuntamientos, yejuain tekiyotl nojchiua kampa nochimej makimatikan, niman tla itla en ki nemilia ika akinomejkej kijneki tlayekanaskej uelis en ki teilskej

d) .Aman tlin axto nojteili, uelis no teixpaintiliskej ipan yejun tlayekantin, no temakaskej tlakoiloltin kampa no yekchias niman no tlachiliskej nochi yejun amamej kampa nijkoiloua candidaturas ika to maseualijnian niman afromexicanas

## III.

# Kenijki no chichiuaskej amatlamachilistin



3. Amatlamachilistin nojchiuaskej itech partido político, coalición ojsó candidatura común niman ipan sesej tlasentalistin uan nijkoiloskej ipan candidaturas ika diputación locales, uan no tlapepenia uan miyekej kentla ipan sentlalistin niman ipan ayuntamientos, noijki no chiuaskej amatlamachilistin itech partido político, coalición ojsó candidatura común ika sesentemej planillas uan no teixpantiliskej ipan tlayekantin ika Presidencias, Sindicaturas niman regidurías. Aman, no tektilcha yejuain tekiyotl:

- No tlachiliskej amamej kampa no maschas tla ye melauak, kijtosnejki, ma no teixpantili ika yejua ye **melauak no mastika kentla maseualijniu ipan to kalpan afromexicana**, noijki ika **ki temajka amatl kampa teilia ika chanti ipan yejun kalpan** niman, ika yejuain amatl, makijpia matlakoiloli de tlayekanketl, niman ma nojkaua ipan amatlakoiloli ojsó tlamo ma no teixpantili ika yejua.

- No tlachuillis aman uan ki teixpantilia kampa nojtas ika tla ye melauak ualeua ipan sen kaltipan ika to maseualijniuan ojsó afromexicana kampa kijtousa ika yejua ualuea akinon ki neki tlayekanas, kentla ualau ipan amatl uan ki teixpantilia.

- No tlachiliskej amamej kampa uanesi ika ki mastika tlin nojchiua ipan to kalpan, kenijki no yekana ipan to kalpamej kentla ti maseualijniuan niman afromexicanos de Guerrero.

- Tlamilstli, **tlanamiktli** kampa **onojchiu ojsó ka** tlinon no tlatlania kampa uanesitika ika tijpia tekiyotl ipan in min kalpan.



## Tlin no tlatlania ika no kaxiltis niman no teixpantilis ipan tlayekantin tlin kinemilia niman tlin kita



4. Ipan DESNP, tla nojneki ojsekimej amamej ipan kampa yo no tlatlanika, kampa uelis no neltokas, no tlatlanis itech Secretaria Ejecutiva tlin poliui ipan partido político.



5. Noijki, nojchluas tlanonostli iuan candidatos sihuamej ojso tlakamej, kampa kimin makaskej in melauilis kampa uelis no manauis niman, maka no kauaskej imin seltimej niman uelis ki poloskej i min ijkoilojli tla kinejki tlayakanaskej.



6. Axto no tlachiliskej nochi amame uan no teixpantiliskej kampa no kaxiltiskej amatlamachilistin, yejuian DESNP kijchluas sen tlanonostli itech tlayekantin ipan kalpan afromexicano niman kalpantin kampa ti tlajtoua to tlajtol, yejuain tekittl nojchiua ika, axto panoskej sempoali ipan nauj hora, kampa nojpoau kua peua kin tlatitlania, kampa teiliskej tlin ki kinemilia, tlin kita ojso no teilia tlin uanesi ipan melauilis ika tlajekantin kampa tijtlatoua to tlajtol niman afromexicanas.



# IV.

## Kua no kixtiskej amatlamachilistin niman no teilis tlin ompa ualau.



7. Tlin axto no teijli, ipan amame uan no teixpaintilikej niman, yejun amamej uan sakin no kalakikej ika no kaxiltikej, noijki, niman axtopa no tlachiliskej kenijki tlanemilia uan akinon tlayekana ipan kaltipan afromexicano niman kalpamej kampa tijlatoua to tlajtol, yejuain DESNP kijchluas sen tlanemilistli kampa kijpia tekiyotl ipan in min kalpan niman no teixpantilia kentla maseualijnluan, yejuain tekiyotl nojchluas ika no titlaniskej amatlamachilistin.



8. Kua yo no chichikej amatlamachilistin no sentlaliskej nochi tlin uanesi ipan yejuain amame uan no sentlalike ipan partido político niman ipan candidaturas.



9. Kua yo no tlamilti tlin axto no teijli, ipan amatlajkoiloli itech DESNP, no titlanis ipan DEPPP tlin uanesi ipan amatlamachiistin, kampa ojsapa no tlachilis niman no selis ipan Consejo General.

